

兩

浙

輶

軒

錄

兩浙輞軒錄卷八目

張英 金以桐 何喬雲 陳捷 茅薦馨

董樵 董耒 閔南仲 袁士達 戴天彝

吳景鄧 韓純玉 蔡耀 唐靖 朱旦

邱允玉 趙嗣賢 謝師昌 吳興祚 金烜

楊賓 宋錫蘭 徐心 張秉甄 葉永堪

李漁 樓雲章 朱慎 翁應春 李象坤

李象震 翟枚吉 宋祖昱 陸埜 姚東月

沈珩 范煒 梅調元 臧眉錫 蔡啓傳

韓裴 唐文獻 沈上塘 萬言 樓洵宏

侯思炳 談九乾 孫士价 陳紫芝 柯之任

姜承烈 徐汝嶧 吳啓袞 徐林鴻 萬斯年

查鼎	朱願爲	錢德震	董宏原	周拱辰
徐在	盧輅	邵錫申	吳景凱	龔有度
陳謨	陳彝	張岱	鄭不羣	皋言魯
馬鏹	王宜欽	張天佐	項佩	張世超
虞國鏞	毛可威	林公璽	鄭應曾	林鴻道
陳本衷	錢若虛	邱承嗣	邱承耀	徐志泰
陳綸	桂一奇	戴昆樵	戴石臣	沈從約
徐張珠	汪霖	李濤	徐旭昇	諸九鼎
張竣	錢璜	王修玉	王晔	陳熹
譚吉聰	沈傳弓	王翊		

兩浙輶軒錄卷八

督學使者阮元

張

英

字仲張鄞人遷海寧康熙癸丑進士累官提學僉事

海寧州志英禮閣出桐城張文瑞之門時有大小張英口號及戊午文瑞子廷瓚復出英門雖因緣獲譴而淵源針芥之合至今傳為佳話

袁鈞曰張英為嘉陽子幼有聖童之目登進士官中書舍人薦舉博學鴻詞報罷稍起原官歷禮戶二部郎中以僉事提學廣東丁母憂歸

過宛陵追感外大父豈塵錢公兼呈鼎銘二舅

美人為郡萬山中亂後重尋思不窮話舊存亡應八九感時親故各西東白雲歸夢傷游子斑駁他鄉老寓公却怪相逢還問姓滄桑何地不飄蓬

郡樓疊嶂起層陰漠漠春雲自古今坏土半生純孝血君門三泣老臣心當年吳市投簪早遙夜山陽怨笛深記有留題

遺句在天涯會否痛人琴

金以桐字持封義烏人

金華詩錄金以桐父光原名漢綵涓之十世孫也少遊
覺華島與尙可喜善後可喜得王爵欲留幕中不從逸
去可喜使人追還判其兄乃與同事三十餘年可喜以
女妻之通以刃唾而嘗之遇害逆謀既泄可喜子伏誅以
因之通父桓歸抱恨終天終于鄉按金光字公綸號留須
桐扶父桓歸抱恨終天終于鄉按金光字公綸號留須
子義烏縣志載康熙甲寅尙可喜奏上其功謂光之于
臣如手足腹心可與謀議惟光一人特光年逾六旬志
在閑散懇優以京秩授鴻臚寺卿光善爲詩有曰驛路
秋雲江上雁鄉心夜月夢中山又詠鏡曰燈移石室秋
蟾滿波靜珠光曉蚌開佛手樹
曰承露無平掌李雲得老拳

都門賦別王去機同年

不道歸心急翻嫌握手遲綠蠅秋漸少黃鳥日相思以我尙
未去問君來幾時答言春盡後北雁與同飛

何喬雲字令名號會園錢塘人康熙丙辰進士授內閣
中書改桂東知縣行取主事著秋水堂詩集

將銜傳界曰公為桂東令邑當鼎革初紅苗盤踞旋被
滇逆蹂躪公至流亡漸復就鄰邑乞麻豆茶麥木綿碼
相等種教以樹藝并示以釀蠟種苗法民用以饒邑在
萬山中無舟楫公相視縣西四十里曰新溪有水故道
因疏之于是通水利楚南多雜派桂東代鄰郡監司買
米五百石轉運千里公具文白督撫遂上
聞湖南州縣六十有三因公請得豁免者四十有
二行取以主事用請假歸杜門著書不復出
戴瑞曰會園及子癸卯進士玉梁皆以時文名世孫陳
調丁巳進士熊乙卯陳鯉宰酉皆名孝廉而仕俱不達
其文實開西泠
風氣附志之

丙寅四月出都門將之桂東

金臺繫馬十餘年萬里分符隔楚天落日渡河春雨後故人
揮涕柳條前瀟湘有路還生夢海嶠多雲半是仙誰謂荒城
無事業稻花思滿石溪邊

將之桂東適匪莪自金陵會於燕城感賦留別

夢寐交情重升沉官味輕張燈驚白髮倚檻聽黃鶯邗水濤

兩浙輶軒錄

卷八

金以樹何商雲

二

何處衡陽雁幾聲秦淮有書札頻寄到山城

陳

捷

字穎侯新昌人康熙已未進士官翰林院編修著使豫草

磁州道中

雨水夾垂楊荷殘堤亦香人家蘿逕裏野店石橋旁綠灑麥

苗露紅飛楓葉霜車中三兩日獨此勝他鄉

茅薦馨

字楚晚號一峯長興籍宣城人康熙已未及第第三人授編修著楚晚草堂遺稿

吳興詩話茅太史薦馨字楚晚長興籍宣城人授經吳

園次邵齋施愚山贈詩高齋松雪開書帙美酒烏程之

玉壺康熙已未探花及第未散館卒易簣前數日夢之

天上觀競渡俄歸見車騎迎至東岳廟吏白設此以待

驚寤語其子賦絕句云年年消渴望蓬萊夢裏君王賜

藥來隱隱龍舟間競渡香風天上五更迴五日而逝杜

宋兩相國經紀其喪而歸沈閣學涵輓詩
苦吟纔一第薄宦未三年愚山亦有輓句
送羅魯峯還漢陽張南村書至
楚客停車把臂初南村東去近何如騷人自製江皋調才子

今陳魏闕書昭諫能詩終晚達茂先博物豈窮居炎天相望
滄浪道爲羨清尊膾鯉魚

董

樵

字裴夏烏程人
著蕉園詩集

陳焯曰董樵之父名說字若雨後葉家爲僧名南潛
字月函樵讀書修行高隱不出有易象表等書行世

登朝元閣次韻

雲移樹影南唐盡雨洗山容北宋詞春閣卷簾人語寂青梅
如豆燕來時

團扇詞

風拂羅裙繡帶斜午窗微倦髮鬆鴉輕羅欲撲雙飛蝶怕損
庭前夜合花

董

耒

字江屏號稼菴樵
弟著南雅詩存

哭兒

士驍

兩浙輶軒錄

卷八

陸步

三

汲古鉏經狂自勞藥爐聲裏煮莊騷抱來膝上王文度看殺
江東衛馬曹友許傳文能橐稿弟思慰我諱焚膏病夫不作
多時別新點秋霜入鬢毛

閩南仲

字湘人號石漁烏程人著寒玉碎金二集

乙未除夕

蓬戶寂已閉優游守地爐旅情紛似莽詩欠急於和漏盡雞
聲起燈昏客夢孤遙知兒女輩商畧薦屠蘇

袁士達

字一上烏程人著履村集

洞庭東山訪月上人不值

昔年相訪處會記石橋西一別書俱斷重來路欲迷閒花當
檻落野鳥背人啼惆悵空林外千巖夕照低

戴天葵

字策原號似園德清諸生著似園詩草

雪夜有懷

尙想山陰棹孤城雪未殘梅魂幽入夢鶴語夜驚寒短褐遺書淚青燈獨夜聞文章還上下千古歎才難

吳景鄧

字赤一歸安諸生著南村詩燕臺偶和詩

徐俾南村詩序畧曰讀吳子遺詩於月露風雲之內而有布帛菽粟之味於諧聲和奏之間而有金石霜筠之氣

移居和岷瞻韻

長依元禮泛仙舟到處追尋物外幽
晝靜隔窗來樹色夢回好鳥在枝頭
娟娟明月輝河漢點點疎星挂女牛
覓得東籬黃菊好數莖撩亂一庭秋

韓純玉

字子蓮號達廬歸安人釋祖弟著德未暮齋詩

沈德潛曰子蓮係求仲子求仲爲湯隴林所累子蓮終身抱憾時時飲泣

兩折簡千餘

卷八

閩南仲蒙士遠藝苑英華鄧

吳興詩話韓蘄廬純玉為狀元求仲敬少子以名諸生
選詩樓賢山選明詩兼竹垞錄其詩于明詩綜歸愚別
裁列于國初康熙中葉向存徐宗伯查他山慎行有鳳
晨堂謨集詩李秋錦良年集有韓子遜寄示近刻荅詩
隔樹查鵲喚眠俄來詩老削青傳家仍吏部文章齋
手續冬郎甲子編美不入宮寒翠袖聲將放鄭得朱絃
衡門他日尋茗書與盡青山也繫船時為康熙癸酉
蘄廬年將八十歸然如魯靈光云子四並有詩名
朱文藻曰韓純玉所撰蘄廬詩無卷數謹案
欽定四庫全書錄入別集存日稱純玉為前明翰林韓敬之
子敬以黨附湯賓尹見貶於時純玉以是抱憾終身不
求仕進其行蹤畧具所作自序及集中癸丑五十五生朝
示兒詩中是集不分卷帙但每體別編中多斐楚之音
蓋皆明季兵燹及
國朝江南初定餘孽未平山居避寇之作也又按集有閣
中梅花盛開月下縣燈共賞同內人賦詩云云是純玉
之配亦能詩但
不知其姓氏

鄧尉山遇徐昭法即別怡然有懷

吳趨間隔三百里離亂相兼十二年此日弟兄仍一面曩時
師友半重泉同依慧日為禪侶忽遣樵風送客還無限斷魂

收不盡長松習習寺門前

己酉秋日同獻兒寓慧雲寺

先人題額依然在

先太史親題

彈指於今六十年攜子重來我已

老逢僧整住客如前參天竹樹沿堦長滿地菱荻入饌鮮圓
澤不須頻問訊三生好話舊因緣

有寄

酌盡椒花雨一卮薄寒無力漏初遲滿天風露懷人夜正是
芙蓉欲放時

彭郎磯阻風

彭郎磯下水潏潏千里江津去復還一夜石尤風乍急天留
多看小孤山

煮笋

兩浙輶軒錄

卷八

潮陽王

五

樓賢竹箭宜實與色棘異薪翁託恒產舉族謀厥利千畝千
戶侯葺莽密於蝟原大利則饒莫恤峯嵐碎今春笋較繁山
家日爲瑞雷聲陽殷殷凌晨競剌剌不脛走四方兩月猶不
賈吾獨蒙其成剥食當滿器料泉煮弱萌登俎止一沸觀頤
無拂經甘節有餘味豈不念岡陵聊以快我意在山姑言山
此外焉所計

蔡

耀

子遠士又字遠是號懶人德清監

荷里詩輯懶人祖自治前明萬歷己未進士仕至陝西
巡撫名重東林懶人天資絕高讀書器觀大意詩歌諧
法皆有聲性疎懶同學朱求
侯以狂自喜時稱狂朱懶蔡

秋日雜詠

前民會遷世世亦竟無傳古道難知己閒身惜少年雲山容
故態耕釣但隨緣一笑且歸去我家營水邊

玄食無長策行吟秋水濱平生不自愛辛苦作詩人萬卷敬
南面雙扉絕比鄰但存邱壑想一室可藏真

寄懷求俟

撫塵曾憶童年戲轉眼今成老弟兄我懶君狂俱是病莫矜
長處誤生平

唐

靖字間宣武康諸生

前溪集十四卷
朱文藻曰前溪集十四卷武康唐靖撰武康邑治有

前溪環帶五十里樂府前溪曲名本此因取以名集

防風廟卽古防風國也春秋爲長狄氏與齊魯米衛戰獲其人長狄之種始絕廟在封禺山下錢鏐保

有吳越自換碑文始極崇祀至于今不廢

自昔防風氏山川亦禹敷春秋絕長狄吳越始神巫雲暗東
西嶺花深上下湖有司仍俎豆不改舊封禺

風渚閣

高閣倚斜曛山山惟白雲遠帆邀樹色小艇入鷗羣不負烟霞志相攜冰雪文莫嫌鄉土瘠猶足其耕耘

朱

旦

字宇日鄞人假團練職用兵復府

續耆舊傳解州之仕論者比之稽紹不無山公誤人之嘆然以書生橫槊成功直追辛諫李萼一輩可謂奇才其在解州百廢具舉尚未滿二年也詩諸體皆備風發泉湧尤工樂府古風多驚人語同時如證山補堂最稱

健者然皆

遠出其下

袁鈞曰朱旦為前明評事王家勤子春正也家勤之難

捕入獄以問玠救免遂變姓名久之貧遊關中三藩亂

陝賊應之破府州保德知州薦且於晉撫便宜假以團

練之職用奇兵復府州叙功授知解州以爭贖丁忤大

吏去官復起知

廣東瓊州道卒

東泉漫興

長歌痛飲後遠海碧天深自有霜吹夢無煩風送砧山沈游子氣樹老野人心我欲談新事初開半面襟

邱允玉

字祖生一字惺齋鄞諸生著大雅堂集

惺齋舊傳李杲堂村居在萬齡鄉故於諸邱最睦而與惺齋倡和尤多惺齋嚴事之友爲隱約退山人皆尊宿也少年本擅膏腴故謚山稱爲錦里中人能吹長笛善飲酒晚景困甚然典致不減

夏蓋湖

嚴程早發起披衣夢遠雞聲出翠微得月水光先曉白向晨
星影透林稀帆穿敗葦移村過風捲崩沙作雨飛到處浦田
耕未起野農何以救朝饑

築城謠

朝城城暮城城十家九家城上營蒼頭獐色走城下醉撥鴟
絃叩哭聲哭聲動地黃雲沒鴈絃嘈雜鳴如割日景苦短人
苦飢一日經營一丈濶縣吏持符連夜速富者壞垣貧壞郭
指向方人餓不如江東寇來知不知

採薪行

東郊四山毛髮捲岡頭橡櫟抽簪短朝把生芻夕不暖可憐
甌落梁塵滿長官部曲從郡遠上山下山來借館蠻歌跳月
聲相伴白奪市魚能上碗村婦行厨逢客欸布裙雖存無暇
澣牀下伏雌不視卵山南麀兔行蹤斷

秋夜讀書

白晝話閒事清宵起讀書遣愁荒寸晷臨老愛三餘夢短身
爲鹿醒多眼是魚歲華容易過莫問夜何如

趙嗣賢

字人選一字鶴樵郡人康熙甲子歲貢生著居鄉草

櫻桃花

絲絲春雨縈春煙櫻桃盛放爭春妍近日如何減顏色雨驟
更苦風來顛屋角斑鳩相對喚逐隊鼓翅花零亂可惜花開

花落中拋擲春光竟無算寄語花須緩緩開一花爛漫一衙
孟輕寒輕煖佳時節約伴還期次第來

桐廬縣

諸溪灌大江詰曲七百里接尾尙浩蕩豁岸崇厓底泓澗不
揚波坦瀨石齒齒篙師撐確礮百丈相扶倚人篙兩如弓不
敵奔湍駛山邑無城郭津亭瞰山起野鳥時一鳴空蒼杳然
止逢窗安可闔乍恐失衆美耳目自忘疲左右給吾喜胡然
汗漫遊初心正爲此

宿灘下

暄涼山有權昏曉天若易歷茲氣候異始覺塵境隔雨餘雲
不歸往來此中宅寥寥巢居子短短樹籬柵稍見紅白花薄
種大小麥遠近溪聲喧人與牛羊夕官舫宿巖下老稚轉踈

踏徹夜鉦拆鳴勉供辛苦役小人自知分皇天布大澤餘燼

獲保聚喪亂感疇昔

謝師昌

字維賢鎮海人康熙庚申歲貢生官平湖訓導遷南雄府經歷

詩文草創小傳謝師昌官平湖訓導嘗兩修學宮佐輯邑乘湖土贈行詩有云學宮兩見豐碑勒邑史單甯健

扛筆

山行

年來姓字亦捐除烏有先生並子虛舌彊苦無諧俗語手疎
久失壁窠書坐依古木成涼蓋行傍青山當敞廬憑藉一枝
藜杖力勝於子姪昇簞輿

觀穫

瘠土爭如沃土良山農尤北澤農忙炊來沙米松花色釀就
溪泉竹葉香幽俗瓜盞供七箸陶家秫秫費商景先期相戒

輸秋稅莫遺官符早下鄉

吳興祚

字伯成號留村山陰人籍隸漢軍正紅旗山無錫知縣官至兩廣總督著巡海詩稿留村詩稿

大

兵勳平逆藩以功擢福建按察使墮巡撫與提督攻克厦門子騎都尉世職旋授兩廣總督所著有宋元聲律

選史遷句解粵東輿圖

海口八字山礮臺

竝馬登臨際重雲黯未開班師存舊壘遺策問荒臺蜃氣因風散濤聲挾雨來籌邊勞指顧端藉出羣才

電白縣觀海

劃然開眼界咫尺辨滄溟日照沙邊赤春生島外青鯨鯢今不見樓櫓昔曾經海若知

王化年年效百靈

金

烜

字子開號雪岫山陰歲貢生官

毛奇齡墓誌銘畧曰雪岫治詩古文顧善為詞是時雲

間蔣大鴻為蜀詞宜興陳其年為南渡詞各以不襲草

堂為能雪岫則自六季以迄金元無一不有而綺霞詞

出焉于宛委山邊關廣園葺其祖太常公所築亭榭植

竹引泉暮春雨歇望南鎮祠桃花與日迸出灼然若

朝霞之晃于衣因書綺霞二字于石壁而以名其詞

姜圖南觀文堂詩序畧曰子開越中名士與宏載叔道伯愿諸子並有詩名

同傳德孚登大善浮圖

瓊宮千載上寶塔五雲邊檻迴星辰近窗開日月懸空中浮

紫氣壁上盡金仙泉湧鵝王座花飛獅子筵常懷瞻法界今

喜躡層巔梵宇藏瑤牒鐘磬下碧烟比邱珠在衲帝女翠為

鈿玉駕來何速金牛去不還由來誇壯麗儘足眺山川丹嶠

千重闌青溪百道穿城鳥隨霧去海日蕩波圓况復西風急

方當落木前蒼松迴曲徑白雁起平田處處飛鴻鵠家家咽

管絃霜明西子石樞落鑑湖船望近真奇矣登高堪賦焉
因園靜處轉憶亂離年烽火交吳越干戈混市廛纔能驅鐵
騎卽已布金錢爭到旃檀國同施璫珎椽樓臺通十地龍象
護諸天君亦悲愁者相看更寂然文章知世變姓氏畏人憐
不用遊三島何妨問四禪乘杯原妙諦插草是真詮鶴子銜
紅藥江妃獻白蓮惠休詩未得陶令社應傳若作頭陀頌長
來香積眠

楊

賓

字可師號大瓢山人山陰人

蘇州府志賓入歲能肇築書稍長工詩古文名重一時
不樂仕進康熙戊午舉博學鴻詞時賓僑寓吳門中丞
張公舉賓力辭去初賓年十三父春華坐友人累偕妻
流寧古塔

聖祖

南巡賓與弟寶叩

請代父戍不得達遂問關侍父父沒例不得攜骨歸賓
走京師日搏頽哀籲於當道與前有憐之者
爲奏請更例遂迎母奉父柩歸葬于蘇州

兩浙輶軒錄

卷八

金華書院

十

沈德潛曰安成爲友人累戍寧古塔可師之柳條邊迎親歸作柳條邊紀畧塞外人稱楊夫子書法不染宋元習氣詩體專主沈著身後散如雲烟矣惟于其門人處得塞外詩一冊錄之

納木窩稽

跋涉過混同所歷已奇峭結束入窩稽一望更深奧陰霜不可開白日安能照古雪塞危途哀湍喧壤道更無人跡過惟聞山鬼嘯車驅苦艱澀換馬欲前導霜蹄偶一蹶流血沾烏帽魂魄已莫收童僕徒慰勞死亦分所當生豈我所料但苦歷窮荒庭闕終未到

至寧古塔

望望古林峯白雲繞其下登頓及今朝亦得依親舍父母驟相逢注視還相訝別時髮覆眉胡乃成老大鄰舍爭慰勞應接苦不暇姓氏未及知空言聊慰藉日暮細挑燈恍若夢中

夜喜極乃更悲不覺泪如瀉

上書不得達生男亦何爲四十始省親問心良可悲戲綵愧
老子挽須同小兒西山日已薄鄉國歸何時歎息謂季弟爾
獨無分離承歡廿八載此樂人誰知

宋錫蘭

字德交蕭山人
著素庵詩草

王國浩傳畧曰公讀書工詩及方術諸書靡不畢覽客
閩中永春幕見飛魚懸署後楓樹中驚曰此兵象也不
數日皆夜賊兵數千臨城公募民夫突圍告急援兵至
佐令爲內應賊平當事以功疏請爲縣令以親老辭後
客鎮國將軍馬三奇帳中初公從明季隱士王震澤學
天文兵法法偶步舍外見白氣自西南來曰不數月當有
兵變後大嵐山妖僧一念變起公遊歷半天下所至秦
粵閩黔燕蜀諸省胸中有得莫不見之詩精星學謂歲
行在申當死因歸里果踰年而逝所
著有覺夢樓快選及詩集藏于家

送張宜仲歸浙

我家正泛泛君去復匆匆官柳崇朝綠山桃隔歲紅行辭百

粵雨歸咏五湖風鼓棹春風裡關津興不同
天際歸舟遠離情滯一尊風塵吾白眼烟水爾黃昏出處誰
同調悲歡且莫論恐將飄泊意傳語到衡門

道經鳳陽卽事

風物殊方土遊情早自傷輪蹄支病骨粗糲實饑腸客路日
加遠鄉思夜正長平原渺無際秋色已蒼涼

庚申正月二十八日初度

浪迹天涯思惘然懸弧初度憶家筵烏私此日空千里馬齒
他鄉又一年花自有情常向客酒緣無量未能仙可憐春暖
園林好醉舞斑衣夢不前

招寶山觀海呈佐關柏使君

官舫銀燈出四明偶從招寶望蓬瀛風清蜃氣樓船靜月上

蛟門海嶠平村舍連雲排隔岸行人如蟻擁春城願君畱得
甘棠在記取關門駐客旌

舟次重慶府

水合雙江夾畫樓削成峭壁挂城頭槎浮雪浪通巴蜀蝶隱
雲霄宿斗牛天險金湯雄古郡地靈鎖鑰砥中流爲思生聚
渾非易吳楚鄉音半客舟

徐

沁

字冰沅號莖畦餘姚人

紹興府志沁博通經史善考證康熙三十三年薦舉博
學鴻詞不就退居邪溪著書秋水堂有書小纂三晉紀
行墨苑志遊夢錄
謝皋羽先生年譜
孫度曰博學鴻詞以康熙十八年
己未舉行此云三十三年志誤也

和陶詩有爲而作

負篋游四方初欲濟寒饑生涯事筆硯非敢志輕肥朝餐有

餘粒夜雪饒寒衣撫茲卒歲樂重我疇昔悲閱世漸將老自
警宜知非勿謂此衣食皆屬造物遺越吟動莊舄我行亦將
歸歸謀治生策老農真吾師

張秉甄

字德魯一字延博臨海諸生著杏雲樓集刻
楮編織烟閣稿求志堂日鈔刪綴集如萍草

重遊甬上緬懷鄭司直夫子愴然成詩

依然百雉海東城尙觀驄車擁旆旌槐市人無楊伯起芸編
誰繼鄭康成風迴鏡吹驚宵夢月皎湖波映晚局少小浪遊
知幾許羊曇此地獨關情

葉永堪

字更生金華人著
聽松樓集十一卷

金華詩錄葉更生爲僉事向榮子繼御史向
曜爲嗣抱道潛居以古人自期不輕與世友

秋深雜感

古刹芙蓉麓鐘聲到處聞林深堪貯月山冷欲衣雲高舉他

年事關情此日分樽桑來照檻渺渺憶東君

李

漁

字笠翁蘭谿人著一家言

金華詩錄笠翁少遊四方自白門移家杭州居湖上碧
波翠嵐環映几席自喜其家與山水為鄰題柱云繁冗
驅人舊業盡拋塵市裏湖山招我全家移入畫圖中因
自號湖上笠翁負才子名婦人孺子無不知有李笠翁
者所作率胸臆構巧思不必盡準于古最著者詞曲其
意中亦無所謂高則誠玉實甫也旁及窗牖牀榻服飾
器具飲食諸制度悉出新意故傾動一時生平著述彙為一編曰一家言
雲芬館詩話笠翁以填詞擅名其他著作人多以俳優
畜之然清詞麗句亦有不可沒者曉行云雞鳴自起東
行裝同伴征人笑我忙不道有人忙似我馬蹄先印板
橋霜又絕句云賠餅春色眼描紗一座清香數瓊茶散
腳道人無坐性閉關十日為梅花皆可喜也

山中送客

送君歸人間去去休回顧少頃白雲生欲下山無路

楚宮詞

何所首千筆

卷八

張璠 葉永 李漁

三

恨不其形與幻同爲雲爲雨逐飄空眼前未必無神女習見何如在夢中

樓雲章

字五見號符韓東陽人著自怡集負喧集石洞山房一集二集吟秋草已求草三益堂草

金華詩錄符韓恬淡樂靜不求仕進惟耽于詩築一園吟哦其中蒼松綠篠清池曲流栽雲嘯月晏如也所作甚富皆失傳

夏目爲叔鉉叔賦

結廬南山下林竹頗翛然荒畦三五畝老屋十數椽婚嫁粗已畢抱孫立庭前時雨從東來南畝兆豐年遺老凡幾人相與話古先義農亦可作俯仰以自全

道士巖

道士歸何處無人記歲華泉聲四時雨霜葉滿林花絕壁蒼痕古寒巖鳥道斜山僧烹石髓恍似酌流霞

朱慎字其泰號菊山武義

金華詩錄菊山負才名于四方者二十餘年維揚吳綺見之曰爲子秋豪士與李悟岡交久菊山卒悟岡輓之詩曰江東詩好誰如雨天上樓成只爲渠悟岡眼中無餘子所許必非常才也又云當年錄綺猶存否子敬人琴兩絕聲自注余曾以古琴贈其恭當用菊山必善琴詩亦非空言也

春日遊壺山

春氣薄朝岫草樹含菁英秀色不可挹蒼然引遙情長林一以眺煙霞相與清紆迴緣石磴軒豁登山坪懸崖互交厲衆壑紛逢迎久之林風起空際聞啼鸞遂至一巖上坐聽流泉鳴清響颯然來幽思與之并我心了不見此樂難爲名游想雖未窮所得亦已願夙志寄遐曠幸無物外縈願言託泉石結此山中盟

十月晦日自都門回廣陵是日家母從南至

崎嶇上燕京所志不得遂幡然理棹歸天寒黑裘敝義命夙
所安敢萌怨尤意惟念北堂人離隔在天際入門問荆妻鄉
書曾數寄話言未及終忽傳我母至趨迎入中庭或恐是夢
寐整衣拜膝下一拜一垂淚吁嗟出門行別母將三歲扶輿
慚潘岳奉檄愧毛義方期駐游裝便作迎親計南北來同期
豈曰非異事皇天憐此身陡焉得所恃秉燭話家常徹夜不
能睡

登嚴州北高峯

勝絕巖灘上羣山抱一峯林陰龜虎豹峽氣冷魚龍東越江
三折南閩嶺萬重乾坤烽火靖是處有耕農

東寄宗定九

尚諷東原老草堂堪自怡入春何所事終日但吟詩雪色冷

如此梅花開幾枝行當邀酒伴過爾其傾卮

登滕王閣

雨過城頭夕照開楚天孤客獨登臺
衡廬黛色排雲出章貢濤聲拍地來
如此江山堪作賦曠觀宇宙孰憐才子
安去後風流歇剩有殘碑卧綠苔

九日同鄧孝威吳園次桑楚執查二瞻宗梅岑蔣前民
孔東塘閔賓連郭皋旭盧耿菴陳健夫卓子任諸公

梅花嶺登高分賦

佳辰肯放酒杯空嶺路躋攀興不窮
已許科頭寬禮數漫勞吹帽動秋風
江濤響落層城外野樹寒生夕照中
往事不堪重記省忽教淚濺菊花叢

翁應春

字克生永嘉人康熙癸卯歲貢生著益齋存稿

溫州府志應春為宋詩人翁靈舒之後博學能文尤長於詩詞以歲貢終著蜚聲符諸體咸備為劫火煨燼僅遺遺齋存稿與靈舒西巖集藻刻一編

偕包幼白妙高臺夜坐

山意祛塵雜孤清此夕中
怒潮千里動靜夜四天空
塔影藤蘿月鐘聲竹柏風
隔江烟樹裏寂寞一燈紅

八公洞

洞陰常寂寂坐聽水聲喧
春去花無主雲來石有痕
真仙留藥錄小隱樵柴門
空翠生襟袖編籬長竹孫

李象坤

字學侯樂清歲貢生著初菴詩文集

東甌詩存象坤為前明中丞光春次子

桃花隘

鳥道於斯絕千山並亦稀
路穿雲背立人繞日邊歸
瘦骨支

興竹輕寒透葛衣浪遊如此倦能更出蓬扉

李象震

字青侯號雪侯象坤弟諸生著慕菴集

贈王與參

朔風乍起何凜冽積雨陰陰將變雪衝寒策杖訪友生雙足
蹢躅東欲折行行城西有草亭幽窗寂寂聞書聲知是王郎
愛經史兀坐唧唔無俗情若翁吳下無雙士買地栽花暫棲
止今春覲省歸武林剩有梅花照潭水君今獨處意翛然興
來沽酒囊無錢閒寫小詩聊遣興詩成字字帶雲烟君不見
昔時終賈皆年少一日忽承漢庭詔丈夫會有得意時鵬舉
寧辭斥鷃笑

山中立春

瀕海烽烟日深山逢立春川原餘氣象風雨亦精神椒酒歡

慈母蒸豚治比鄰陶然成一醉莫負歲華新

彝文堂先人投老處也久爲他人所居今秋復歸六弟

口占贈之

先人投老地今爾得安棲奇石留殘砌寒花覆斷堤樹餘當日蔭詩記晚年題莫謾忘遺訓咿唔伴曉雞

歸楓林留別陳雲驥雲草雲趾林翰仙家昭令

薰風江上理行舟爲爾荷笛十日留歸去雲山縈舊恨到來池館起新愁陽春白雪憐同調錦石青林悵獨遊別後倘逢高會日應憐孤客倚山樓

翟牧吉

字徵凡號蠡洲秀水貢生
官南寧知縣著蠡洲詩鈔

過柴丈邨莊

舊識驅車路烟深村欲迷地臨春水潤船渡夕陽低仄徑通

花圃虛亭對竹溪兒童解畱客牽袂板橋西

嶽雲樓

杜市文章照千古昔日趨庭向東魯高吟會上此城樓一片
浮雲下平楚縱日烟凝海岱間昔人遺跡其追攀杜陵野老
今何在浣花草堂人未還秋風烈烈鳴高柳客心搖落清霜
候余亦趨庭單父臺時來此地頻回首覽古踟躕上古城南
樓吟眺不勝情秦碑魯殿皆蕪沒惟有秋高一雁聲

宋祖昱

字斌貽號西洲會稽人
俊子諸生著西洲類稿

紹興府志祖昱父俊博學工詩祖昱與弟西樵有二珠
之目學博而肆諧練掌故職浙撫奏辦地丁歸田糧一
案實由祖昱創議言
於當道而民困遂紓
越風西洲在京師時新城王尚書主盟騷壇西洲投詩
不過四韻一篇聊通鄉貫而已其傲岸如此又山薑田
公嘗于賓筵論詩上
下古今終席不能屈

洗象行

宣武門邊塵十丈御河六月觀洗象長槐高柳碧森森駢
如山屹相向傳聞貢自西南夷橫紋皺掃蒼蘚皮龐軀巨額
秀眉目銀鈎纔出收瘡痍一入天門守環衛三品官階護軍
貴芻秣長支月俸錢馳驅每就公朝位先朝遺制開象坊豹
房虎圈紛周防天生神物獨馴謹南薰伏日遊滄浪浣浣金
溝水清濯濯水陰中少炎熱跋足堪驚鷗鷺羣投身已盪
龍龍俯仰看成島嶼浮沿迴漫數潭淵濶千尋碧嶂間奔雷
萬里高空濺晴雪須臾不動浮中央河干漠漠生微涼極浦
冥濛過疏雨層城一面當斜陽紫綳奚奴挾雙帚祓濯頻加
不離手迴瀾一洗塵垢清復向波中自羣友吾聞香象曾渡
河旃檀林下時婆娑六牙齊現寶華墜諸天瓔珞金盤陀壯

觀千人眼中見一幅澄光淨文練象教休歇竺國經軍聲久
息昆陽戰日色山龍映袞衣香烟翟羽交宮扇赤罽珠鞍按
隊過他時對立含元殿從來馴象到昆明滇池饒吹扶南城
聖朝不貴殊方物洱海秋風笑獨行

鐵簫行爲憚哲長作

伶倫往蹟殊尋常取材嶰谷含宮商昆陵憚生雅好事京師
買得鐵鳳皇座間賓客訝奇絕抉石穿雲吹不裂精瑩渾疑
一段冰痺掌不見三冬節當年想像煩神工鍊鐵出冶銷金
銅陰陽造化作鑪鞴鑄成元氣涵虛空攜向樓頭吹一曲諦
聽方知非竹肉異響如蓬磊落人曼聲已奪參差玉審音協
律真擅場况兼絕技嫻文章江南冀北數游蕩世間識者都
茫茫嗚呼李舟烟竹勁如鐵嚮日曾經笛師截流傳世代幾

變更淪落泥塗罕滴漚歷下亭前覽古來相逢又是秋時節
上古仙人去不迴獨畱遺製翻嗚咽木落山空不見人一聲
呼起秦臺月

七夕歷下亭作

河漢秋前約山川歷下亭城陰交二水天上渡雙星月漾湖
光白雲含石氣青南飛有烏鵲此夜恨飄零

包山歌

山中有人別東越千丈懸愁緣至髮朝披笠澤雲夜臥松陵
月吳江淨如匹練明一片桃花卷春雪飄飄白鶴肇獨上包
山陽具區三萬六千頃微風不動青茫茫縹緲峯頭日初出
洞庭金光穿石室樓臺照耀烟霏開玉宇金書總相失微聞
山隱居竊往探靈墟天地大文寶磊砢非時持此將焉如西

施蛾眉難效顰年年歌舞吳宮春
鴟夷一舸載之去五湖烟波愁殺人

陸

埜

字我謀平湖人著職庵集

沈玉日我謀爲清獻公從父

摘桑看虎謠并序

摘桑看虎禽語也江南蠶月處處有之相傳婦采桑死於虎魂化爲鳥故聲云云

摘桑看虎驚饑待汝大婦提筐小婦持筐路遠日暮嗟嗟爾

虎

解一

摘桑看虎側身道左猛虎尙可苛政殺我

解二

摘桑看虎

出家良苦二月賣絲四月纚織作雖勞復何補寧當猛虎毋

逢吏怒

解三

摘桑看虎哀哀淚如雨辛苦戒後人一失悔無所

摘桑看虎

解四

姚東明

字竹友號贅翁秀水人著弄酒餘閒集

沈珏曰竹友耽詩與張博山盛宜山倡和鉅玉樵令高明會選刻其詩四卷陳恭尹爲序

舟宿鹽官訪陸仲威內兄不值

榭葉翻風盡孤城海色陰夕陽留遠棹高樹急歸禽松月張
槩獨溪雲阻屐深明朝吾更去詩罷對遙岑

題水村圖

吾家舊宅臨長水一片空明漾竹樓記得吾師春漲後柳花
如雪踏輕舟

郡齋小梅一樹過臘尚未着花詩以催之

酒罷陶籬便放杯安排笑口待君開拓窗見月夜三起負手
巡檐日百回有客抱槩閒從倚何人橫笛弄清哀冰姿不受
東皇寵豈要宜春帖子催

沈

珩

字昭子號耿岩海寧人康熙甲辰會試第一己未以博學鴻詞薦授翰林院編修與修明史

讌集真如埵院懷曹秋岳先生

兩國人文會岷峨木鏡高於今江左席孰與謝公豪霜染秣

陵樹波傳霄嶺濤盤空同極目延望主風騷

范

焯

字亦霞號修岡鄞人康熙甲辰進士官通城知縣著七松齋集

袁鈞曰范焯初除南和知縣有某生者素桀黠能持吏短長前令既遷其中服則竄名胥徒監納秋夏稅燁至廉得之發其私藏稅銀三十兩鞫訊乃曰吾誠盜銀然賊未入己罪止輕開官封公卽入吾罪罪止監守自盜論徒四年後且將觀公之政焯怒曰此亂民也杖斃之視囚有死囚三人稱冤覆按得實白大吏條上其事得減戍以憂歸再補通城被議去官里居二十餘年卒

宿石馬塘菴水閣

水殿何年設淩虛此夕逢遊魚知聽偈倦客厭聞鐘磊落徒

歆枕支離謝短筇百年強半裏誰復念行踪

兩浙輶軒錄

卷八

沈珩范焯

三

總髮馳驅路河梁記昔游波恬濤寺古竹密覆牆幽僧悟無
生訣人參不繫舟石渠開水鏡照膽更何求

梅調元

字贊臣永嘉歲貢生官雲和訓導著霽月軒詩集

温州府志調元淹貫經史工詞翰與林

古春李元發王爾椒林健號永嘉五子

陳焯曰據周天錫墓志贊臣爲順治辛卯貢生授龍泉訓導又云贊臣少讀書山詩夜夢神人贈墨一大圭龍

鳳篆文而缺其角贊臣拜而吞之嗣後文思日進

王謝祠

前守推王謝荒祠倚郡城千秋傳墨妙六代擅詩名沼古鷺
還浴塘春草自生風流今古事俯仰一含情

江心寺閣卽事

斷雲飛鳥共危欄盡日憑高不厭看背客岩花開寂莫如人
垣竹暎檀欒山移落照層陰合樹擁歸潮夕影寒獨立蒼茫

還騁望隔江一曲笛聲殘

臧眉錫

字介祉號喟亭長興人康熙丁未進士官魯山知縣行取御史

吳典詩話臧侍御眉錫字介子號喟亭長興人丁未進士由魯山知縣任中書改御史毛西河湖舫陪臧內史飲次采葦和內史韻云君方返承明西掖當朝參豈可蕩雨漿流連向空潭尊羹未下或木性我所詣王漁洋題濟陰玩月圖詩三五兩華月登臨迥散愁懷人漆園吏把酒廣公樓水與湖波接光連玉露秋吳興未歸客應憶白蘋洲胡司寇會恩送假歸詩卷盡溪頭紫翠重到門仍識舊山容一甌顧渚秋茶白百甕烏程臘酒濃多繡軒教違柏府鳳毛新已試花封岩廊風采方延佇雲臺寧聞大隱踪吳天章妻題看梅卷幾向靈岩夢所枝半塘風雪往來時江南新到都門過慙負先生卷上詩

題青蓮谷

丹崖翠壁豈寒盟好句曾畱在化城自古遊仙隨處是清風

明月懶逢迎

蔡啟儔

字昆陽號石公德清人康熙庚戌進士及第第一一人官春坊著存園草

吳興詩話按徐乾學憺園集康熙九年十二月十九日
 上名對宏德殿奏事畢命侍臣賦詩是時鼎甲三人卽甫南
 書房王子又同主順天試詩云王橫雲鴻緒過蔡座主爾
 螭頭作近臣蓋先充講官云王橫雲鴻緒過蔡座主爾
 詩夫子聲名大龍頭德望尊天人董相業治亂賈生言
 客去常懸榻朝回但掩門無心戀朱紱幽思滿山村又
 漁洋池北偶談德清蔡翁築室落成夢人授以盤貯四
 紅箋各大書一一字後孫奕琛爲刑部侍郎南渡官
 品曾孫啟傳庚戌狀元駁賢子升元王戊狀元兩元皆
 生此宅升元從弟彬辛酉解元方悟四一字之兆見只
 縞德清老人蔡四以服鹿角
 膠壽石八歲豈卽其人歟

登齊雲洞天福地

壁立峯千仞雲開石徑斜樹身無歲月人影帶烟霞耳目違
 塵事仙凡白一家前踪猶可問香飯等胡麻仙傳遺址

甲辰歲暮抵武林雨阻西湖壩禪菴借宿憶二十年前

曾過此

無端風雨迫行人暫過禪關一問津投止偶從今日事依棲

猶是昔年身香清入座聯僧話影瘦支牀怯夢春愧我無聊
酬歲暮梅花早占一枝新

韓

裴

字晉度歸安人康熙庚戌進士東明知縣著萊園集

送宗鶴問返廣陵

離筵帆影亂橫塘無數鳴蟬叫夕陽看遍好山歸短棹行隨
明月載空囊嶺洲風送秋雲疾瓜步潮生晚渡涼二十四橋
烟樹外他鄉兄弟夢魂長

唐文獻

字翌周一字杜隱奉化副貢生著竹窗集

暮春

忍將老眼看韶華桃李無言日月賒晚白菜肥蠶出火冬青
花落燕成家煮茶湯沸風聲轉夢草詩成日影斜零落殘紅
春思寂故園風物足桑麻

送王維中

秋來忽得桂衡書又報王郎去聽除若有鄉情須寄我便生
官况也從渠山中歲月三邊雁客裏饔飧兩饌魚此去上林
方校獵好因奏賦識相如

沈上壩

字宗子號維菴歸安人康熙癸丑進士官侍讀學士

戴璐曰竹墩沈氏明代兩尚書及卿寺皆不出翰林
本朝維菴先生入詞館嗣是涵三曾兄弟同榜三曾子樹

入翰林實自學士例之

吳興詩話沈學士上壩字宗子號維菴竹墩憲副子來
孫癸丑入翰林年已五十矣歷江南江西湖廣三省主
考升侍讀學士同朱竹垞潘稼堂被劾歸嚴石樵送典
試詩君起金閨彥館閣推巨手大邦秉衡鑒起衰辟榛
蕪此行入承明高名重山斗一堂三學士
濟濟名家後豈惟應祿徵經術真不負

送韓慕廬同年

癸亥假歸

投閒著作老奇才萬頃湖邊虎阜隈秣果宜田須速種竹能

生荀及時裁志和釣侶遊供鱸陸羽茶香早拂杯笠澤菰城
原不遠扁舟還許故人陪

萬言字貞一一字管村鄞縣副貢生與

續書舊傳先生以古文少有名隨諸父在講社中梨洲先生贈之詩云規撫震川之古淡加以剡源之色澤者也諸父季野亦云使我有汝筆班馬不難到矣詩非專門然其魄力有可取者所謂文人之詩也袁鈞曰萬言為前明戶部泰宗孫以副貢破名修明史為成崇禎長編一書出為五河知縣大吏惡之得罪論死其子承勳泣血求有力者得以贖免

初秋偕陳康侯宋叔蓮黃俞邵閻百詩夏宛來沈融谷

蔣波臣胡次嚴趙浮山集趙天羽園分得灰字

止酒連三月因公始舉杯詩嚴金谷罰客半聖湖來坐間吾

人六典蒐方乘天羽方任戶曹會典事千秋話劫灰詢周鄒山所作滄洲死事諸人傳

明燈羅樹杪疑泛漢槎回是夕張燈木杪如列星

題貞靖祠雙松

貞靖三原房兵曹建極私謚兵曹於崇禎癸未遭閹
逆之難入山中絕粒死邑人愍之爲議諡立祠祠有
白松兩樹其子僉都御史廷楨屬予賦之

往客上虞遊智果古松偃蓋畱晉代昨過泰安撫唐松離奇
聲亦同筮續育王直吾籬落間千年鐵幹雲日礙其他山巔
及水涯寓目無論百千態未聞異種有白松貞靖祠前傳意
外或云奇物稀見聞六合頗多此奚怪又云秦地產所宜未
涉其境視猶隘予未至斯言爾爾非斯松貞靖之靈日所爰
當年抗節空山中絕粒希踪夷叔介不汚逆命全而歸亮節
清風至今在四十年來融結成纖塵不染挺霜槩蒼髯戟張
映白衣山人曾與聖人載綠鬢神約垂冰膚藐姑射仙處子

類蕭然乘風獨往來倏然倚檻相吟嘯生氣凜凜疑可接惜未登堂中一拜從來草木聽於人君不見冀莢生階桑穀敗

樓洵宏

字守遠一字存翁浦江戴貢生官樂清訓導著竹露齋詩文集

樓上層曰存翁在樂清署嘗大書檢身四箴與諸生相砥人翁然宗之令罷職歸不能具襲存翁為文勸紳士資其業又勸曠生蔣公預結締以滿房早人咸頌感

過石門洞

邨莊不讓小西天迤迤嵐光斷復連短策穿殘千樹影歸橈

載得一汀煙

侯思炳

字嗣宗樂清人著漁村詩集

溫州府志思炳性疎放詩畫書法秀出一時遊三吳歸卜築漁村以居號漁村小隱韓則愈漁村集序略曰嗣宗死貧不能具棺斂其家人持一現蕪於市冀有售之者楊衡子聞而哀之為之單表事嗣宗詩文書畫皆卓然可傳獨以性不諧俗多為人所怪幸至於無所遇而貧病以死哀哉

可斤書千張

卷八

樓洵宏 侯思炳

看

謝劉孝如送米

淵明無儲粟乃作乞食詩忍飢強誦經幸君時念之有腰束
嘗折五斗凡三施昨夜瓶告匱今日拙言辭苟非相愛厚何
惠輒及時幼女病未痊啾啾臥牀啼不暇憂飢渴同室皆見
嗤安知仲宣輩從劉得所依

幽澗松

鬱鬱幽澗松高可百餘尺盤孳虬爪據流泉磊砢龍鱗拔巖
石托根不得倚高崧任教衆木摩蒼穹雲棲未睹千年鶴天
籟虛勞萬壑風此松生成不可計時見工倕相睥睨却疑有
主未敢材祇與溪童陰午憩松花松實過年年澗底泉聲石
不穿縱老青山無所用猶招貞白學神仙

戲東吳生

君家愛雨我愛酒雨潤田禾酒潤手雨涼把筆酒最宜怪底
城南吳酒友訂期今日旋復虛呼童敲火窺空缶缶空囊乏
可奈何金石歌聲發饑口却聞再約遲雨霽及霽尋君君在
否儒貧且老世厭之敢獨望君於我厚水滿南陂魚可留何
惜開軒傾一斗

咏寒月同金陵諸子

萬戶蕭蕭月繁霜作夜聲棲禽雙夢冷落木一枝橫野色連
沙白江烟過堞明旅窗衾轉薄愁絕正三更

咏酒用禁體

於世吾何好逢君意每新無妨花對客不負月親人趣自空
諸想詩因最有神牀頭勞作伴莫厭阮生貧

人日

虎林羈客家千里人日思歸酒半醺
駛僕倚春成嬾慢亂鴉
向晚故紛紜樓看寒岫招青眼書托條風問白雲
南路干戈猶未靖東甌消息幾能聞

談九乾

字震方號未菴德清人康熙丙辰進士官

鮑西圖

字欽亞谷叢書云未菴與蔡宗伯沈宮贊譙集有

吳妓已

行迫回入席宗伯語皆權要妓茫然不知未菴

卽席口

占云入里昇山一棹聞千呼萬喚始回來狀元

終日無

他語只道江村線無盡江村謂高士奇線撫名

一信入

里店昇山東門外地名鮑又懷人詩山公曾啟

事晚作

竹林賢散髮吳羌楚重管餘不船詩源出黃葉

書法演

香泉六客堂中過鬚眉訝列仙按黃葉請吳孟

輓詩者

舊風流從問寂海山遊草劇崢嶸注幽遊草甫

刻成今

詩諸令元孫農部祖綬集無一存余家猶藏從

年草一

卷吏部弟

九叙字

功惟能詩

雨中雜詩

楚王得一鴈啄息無他奇攜至圍場中逡巡似守雌兩眼忽

仰視有翼雲端垂聳身上青漢灑血作雨篩大雛墜地來羣
鵲驚離披餘興猶未盡迴翔多生姿英雄混漁樵不若帳下
兒書生飽文字不療八口飢此鷹無此雛俛首甘受噬士元
非百里千古真相知

孫士价

字維藩一字圯莽奉化
歲貢生著雙桂堂詩草

袁鈞曰孫士价由歲貢選
授縣訓導將赴官而卒

登謝氏樓見戴愚齋太史題壁次韻

幽情懶散獨登臺門冷無人客自開翰墨能留先輩在風塵
難得後人來細看梅影浮煙動遙聽樵歌傍水迴亂後名園
知幾處空餘四壁拂雲才

陳紫芝

字非園鄞人康熙己未進士由
庶吉士改御史歷官大理寺丞

袁鈞曰陳紫芝初選庶常以省親歸既終養改補御史
時外吏於京察多有鯁遺利道官尤重紫芝一切峻拒

柯所著年錄卷八

談九龍孫士价陳紫芝

巡視南城有奸徒交結當路張酒肆置妓園良民所欲
不遂則私因禁或潛聚紫芝立置之法嘗上疏言制章
國典宜歸盡一民間冠婚喪祭未有定制請編纂禮書
又請裁并屯衛以屯務屬州縣遷奉天府丞請葺學宮
墾荒土置學租設教習部議允其二為大理丞獄多
所平反卒于官紫芝性純篤事兄如父白首無間言從
黃宗義學浙東稱名宿云

白雲院

嵯峨盡處展平沙
葢三間勝選賒
乞火無隣爐自活
辟寒當夏衲
交加遙憐岫嶺栽
仙藥近借龍湫散
雨花慚愧支公
尋未得白雲菴路白雲遮

柯之任

字莘夫一字覺菴
人康熙辛酉舉人

用上三補舊詩小傳柯之任早失怙恃孝養祖
母三十餘年足跡不出里間人比之李令伯焉

羊流店懷古

無復風流太傅存
只今空說水邊村
山川黯淡餘烽火
樵牧

悲歌望墓門境上交懽能信陸病中遺策竟收孫峴山曾隕

行人淚此地誰知有斷魂

姜承烈

字武孫號道菴餘姚人康熙辛酉舉人著樂志堂集

姚江詩存道菴弱冠卽有聲雞壇與毛西河倪闇公諸君遊才華豐饒詩主初盛及六朝不涉中晚著作甚富曾見其百尺樓集六册今不可得見矣

送駱叔夜北上

我來鍾阜吟霜葉君復幽州看雪花鷺鳥不隨遼海客馬蹄長擁大河沙執言司馬原無賦當念馮驩未有家不盡故鄉攜手處旗亭南望是天涯

徐汝暉

字泗瞻號桐岡烏程人康熙壬戌進士官河南提學道著一枝樓詩集

戴璐曰汝暉官戶部郎中時充公未會試分校官得人稱盛旋爲河南提學道

春暮游豐臺次吳長梅韻

輓轡聲轉水痕添種得花苗映畫簾我自看花君莫問此時

賓主兩無嫌

吳啟衰 字山補歸安歲貢生官武義訓導

碧浪湖探蓮曲

百名橋外峴山前探得荷花載滿船儂數花鬢郎打槳從前

錯如並頭蓮

徐林鴻 字大文一字寶名海寧人錢唐諸生不著徐姓著兩間草堂詩文集四十卷

錢塘縣志徐林鴻工詞翰上擬左氏下類兩晉鴻詞報

罷病歸遂無意仕進掃一室讀書其中作為詩詞清新

典麗尤篤友誼漢陽王世顯南昌王猷定客處于杭林

鴻視含驗送其旅艤歸太倉王吳四明周容卒京師皆

為治喪又收其遺稿歸付其家人皆高其訃俞猷華曰康熙戊午浙撫薦鴻博林鴻與同郡吳農祥王嗣槐吳任臣蕭山毛奇齡宜興陳維崧咸為相國

傅招致邸第晤

傅佳山堂六子

豫章秋懷

楓樹蘆花兩岸霜江分九派是潯陽帆檣晚趁秋濤轉鴻雁
寒依秋水長遠地星霜殊渺渺孤城風景自茫茫琵琶亭外
千秋月詞客經行泪滿裳

萬斯年

字祖繩一字澹菴蘇州人泰民子

袁鏡曰萬斯年從錢肅樂舉稱高座明末避亂屢遷悉
棄家其藉書以行書則借老農雜作夜擁書集子弟謂
講非雞鳴不止後設教
桃源書院多所成就云

廢處山中友人沈哲先以詩見詢依韻奉酬

與子精神洽時形夢寐間賞音若流水回首獨青山雲臥隨
時過鵬飛計日還鍾期幸謀面高轍許同攀

查

熙子止齋海寧人昇兄
著紅蓮詩草一卷

馬觀我新移書室漫賦長句

北苑清幽小洞天也憑位置得翛然嫩晴烘嶼花爭笑綠影
篩窗柳慣眠是處正宜才子住前生應結讀書緣筆牀硯匣
饒風韻不愧人稱食字仙

朱願爲

字求侯又字不爲海寧監生著紫薇軒集

常州題海烈婦祠

勁草森森起夕雲野烟漠漠傍孤墳千秋莫道無知己南有
曹娥北露筋

錢德震

字武子海寧人著金粟集

汪琬蕘峯集送錢武子南還詩云華亭谷中好山水上策無如荷耒耨不然議却吳淞棹網飯僇蝦蟆此生

暮秋登慈仁寺閣

疎林峻閣倚雲霄檻外層雲縱目遙北去關山真歷歷南飛
鴻雁轉蕭蕭甘泉霜氣侵宮樹碣石秋聲落海潮莫放朔風

吹劍佩五陵游俠總難招

董宗原

字老象餘杭副貢生著
拊缶堂詩玉栢堂詩

寒食後一日自吳門歸舍

昨日分新火春風又一年
邨邨穀雨水岬岬豆花田
孤塢斜陽市千帆估客船
不知歸路遠沙際一燈懸

閒居雜感

幽棲只合浣花偏
小築臨流似輞川
蘆葉有聲秋岸遠
翠屏無際野雲連
千家水市喧春曉
五月漁罾觸晚烟
如畫家山拋不得
慙無十畝種瓜田

河渚草堂

小橋傍岸綠成溪
高閣輕陰春晝齊
鳥語綿蠻簾上下
魚梁深淺舍東西
青分楊柳風中亂
紅壓櫻桃雨後低
惆悵當年

兩浙輶軒錄

卷八

朱顯爲 錢德震 董宗原

三

名勝槩巡廊猶見舊碑題

同沈元伯訪姜真源侍御山陰

爲愛青山住海東片帆乘興暮濤空春光晴入三吳樹江色
寒收二月風世態浮沉慙阮籍酒腸寬窄敗王戎挑燈意緒
渾如昨幾載飛花不負公

游臨安石鏡山有懷許舜功青田

盤山樓閣鎖空雲野饒招攜客不羣萬壑東流喧夜碓千峯
西遶亂斜曛錦衣有汗流孤嶺石鏡無光照古墳漫憶青田
鄭博士寒瓊畱客坐紛紛

吳孝升潘孟瞻約遊徑山

山城百里接天遙繡嶺珠宮記歷朝一路松杉迷遠翠千崖
樓閣敞層霄僧閒憩石聽秋雨客到收雲看海潮試刻琅玕

題歲月墨池風起浪花搖

夜泊金閶亭

茂苑城邊怕晚秋
山塘木落水痕收
雙橋夜市尋殘夢
獨客春風記昔遊
樓上銀箏纔遶悶
尊前桂釀不供愁
無端又聽敲篷雨
華燭三條照淚流

周拱辰

字孟侯桐鄉人
著聖雨齋集

題田父壁

雞豚隨意散綠鶩
四隣凝製笠收新
籜扶椽倩老藤
鶯聲分牧笛
紡火接漁燈
月色懸繩榻
更寒數寢興

宿井岸上人精藍

曲徑小藏幽
相看成晚留
磬聲依竹住
月性與僧謀
語妙時忘答
人涼見正秋
坐來蓮漏午
香穗不知收

徐

在

初名元宸字文果更字皆山海寧人著演溪集

俞寶華曰徐在爲進士利之弟其詩見梅會詩選二集

分虎初歸約同人過修竹居

丈室稱幽勝君歸得共過籬編三徑竹風響一池荷能澹與
僧似長貧奈我何晚鐘人未散爲感別離多

盧

輅

字素公海寧人著石堂詩鈔

司寇公招同唐實君陶子師沈昭嗣金介山呂山瀏集

席園

下筆千言一瞬間著書長日得餘閒朱輪碾草春應遍烏帽
穿花晚未還大有樽罍同北海何妨絲竹寄東山安車早晚
崆峒下老子請牛漫度關

邵錫申

字天自餘杭人著遠齋草

靈隱訪諦暉上人

六橋迤邐虎谿深
三竺峩龍樹陰
石湧樓臺排漢出
潮迴鐘鼓帶星沈
高僧盛阜開蓮社
才子魚山賦梵音
借問西來何所道
洞門閒鎖白雲心

吳景凱

字豈凡一字舜皋烏程人

石門

率律千尋石陣圍
通天咫尺有雙扉
虎窺谷暗衝林嘯
鳥喜雲低掠岫飛
世路闕來盤磴坦
浮名看去斷烟微
尋真此地丹邱近
無數嵐光上短衣

龔有度

字鶴巖烏程人

春遊

澗溪楊柳水平隄
夾岸花深鳥亂啼
已入桃源休問渡
酒帘

只在板橋西

陳

謨 字蘭頊
烏程人

苦雨

一臥經春百事休
寄人廡下苦淹留
妬花風雨無情極
只送春光不送愁

陳

彝 字時夏
烏程人

送一上雁汀湘筠遊洞庭

蘆荻蕭蕭秋滿湖
攜來好友共歡呼
洞庭霜老水清淺
笠澤烟深山有無
鴻雁聲高楓葉亂
驪駒唱罷客帆孤
君才自有詩中畫
寫出橙黃橘綠圖

張

鎔 字芳流
烏程人

乙卯夏五送袁一上姊夫之金陵

驪歌一曲不勝情何苦衝炎此獨行
濤擁雲帆京口月風吹
畫角石頭城天涯聚散憐萍梗客路艱難仗友生到處柳條
榮別緒勞勞亭畔綰雙旌

鄭不羣

字曠谷
歸安人

壬寅除夕

有女初出嫁有婦甫來歸老母在高堂鬢髮垂如絲甘脆不
長繼辛苦聊自持棲息同一室弱女侍依依涕泣不能已使
我心慘懷窮達有定命兒女安能知嬌痴任渠性爺孃亦難
爲歲月除更新要當覓歡嬉辛盤不及五果菜雜陳之母性
素恬淡榮利無所思劈菱與剝棗欣然進一卮

皋言魯

字曰都號仲
庚會稽人

逆沈彥遠之陝西

匹馬秦關去崎嶇不易行苦心無險阻小就亦功名長大愁
兒女安危託友生停樽強言別前路亂雲橫

馬

鍾字天閑
臨海人

甲寅閩寇郡伯高公有全台功志頌

六月甌東動鼓鼙驚心烽燧到台西千家避地人如鷺一柱
擎天氣似霓赤羽朝馳龍騎合朱旂盡掩蜃氛低海邦共倚
長城庇萬八峯頭姓氏齊

王宜欽

字公翰臨
海歲貢生

靈鷲院卽景

鷲嶺客龔一院開憑虛縱目興悠哉寒陰萬樹生秋壑爽氣
千峯落酒杯堪鹿避人投澗去白雲愛客度牕來幽情勝蹟
渾相戀笑拂輕烟薄暮回

張天佐

字玉壺號如菴臨海歲貢生官遂安訓導著趙石園初集五獅堂稿

威學標曰如菴爲高士之齋仲子工詩有趙石園初集之刻及司鐸遂安受其山水日事吟咏復有五獅堂稿毛會侯序稱如菴諸體華而不艷壯而不浮流動而不入于佻有得于風人之旨而於登臨山水間尤反覆致意焉

武強溪水春歌

白潒嶺頭初噴玉流入中洲翻雪屋逶迤匯作武強溪奔濤
亂激獅山麓城南一葉下溪東溪流分截急農功長年繫纜
又兩手客子扶篙看水春此物天成代人力旋轉坤維不停
息何妨多稼似茨梁數轉飛輪堪粒食碓上老翁索碓租握
算不使升斗逋日夕肩歸飼妻女還供官錢三百蚨

項

臨海人候選知縣

賊退呈郡守高公

狼烟處處滿蓬蒿
插伍編營敢憚勞
為藉北門司鎖鑰
從教東海靜波濤
謀參柳帳霜威肅
計掃鯨氛露布高
遙識昭元徽遠嗣
功成春澤遍江皋

張世起 字子元 一字養恒 東陽諸生 著居易齋集

戴璐曰張氏世居東陽西郊北塘明末大司馬諱國維皇朝贈諡忠敬即世起從祖聚族而居與陳郊盧氏並稱望族

水亭有寄

面面軒窗枕碧流
此身如繫木蘭舟
江光逼似西陵峽
山氣濃於北固樓
矯鶴佳松疑點雪
驚魚跳水不吞鉤
忘情端是神仙好
我欲乘槎到十洲

虞國鑰 字伯業 一字濠洲 義烏諸生 著照驢詩集 聽蟾齋文稿

送林中憲之任湖廣按察副使

西風吹柳柳條黃樽酒離亭別恨長星駕舊曾勞入婺雨得
今見挹三湘蛟涎瞥水旗開日虎氣騰空劍有霜持斧督州
知不事郢歌春雪擁帆檣

高牙行隔洞庭波把袂臨岐悵奈何地藉赤松秋月令天連
黃鵠暮雲多謨謀北戶思龍豹旌旆南荒列鸛鵲江漢咽喉
從控過洗兵恰得挽天河

毛可威

字揆臣壽昌歲貢生
著蜀歸草榜閣雜詠

步淤竭溪

沿溪才寸步松陰細看潺湲下碧岑逆上慣知魚得水浮沈
總聽葉無心不因狂吹添波浪常有秋聲出樹林一洗胸中
塵俗念臨流往往欲披襟

林公璽

字子漢永
嘉副貢生

兩浙輶軒錄

卷八

張世起虞國綸毛可威林恭璽

壽

江心寺訪大雲禪師

誰遣龍宮作梵宮明珠夜夜照長空雲扶雙塔撐蒼漢霞起
千門駕彩虹鷗鷺無心盟可結塵埃有路杳難通到來不覺
忘歸去月上禪關謁遠公

鄭應曾

字孝先號亦魯永嘉歲貢生著懷瑜集

登澄暉閣賦贈

峻嶒高閣喜初營松棟芝栴映日明容納湖山窗四面指揮
魚鳥酒千觥述牀書積娜嬛帙近寺花生蘼蔔莖更羨君家
喬梓集校讎可奪向歆名

林鴻道

字履吉瑞安歲貢生官常山訓導著燕遊草

遊仙岩

虎溪橋畔綠陰肥一帶剡彎接翠微山寂直教雲占住松高

時見鶴來依河流，浩渺浮杯渡霄漢。飄飄卓錫飛宛轉，芙蓉
花片片，故將紅艷送斜暉。

陳木衷

字行六一字
庭梧鄞人

光溪春日和李杲堂先生散懷

雨後初開白板扉，銜泥燕子受風微。客來小徑題詩去，童過
前灘喚犢歸。隴麥垂垂天漸煖，溪魚潑潑水初肥。閑中幽趣
隨人領，斷續村煙送夕暉。

錢若虛

字君實
鄞人

袁鈞曰：錢若虛爲嵒孫，至孝。繼母得危疾，額天願滅已
第一。紀蓋母壽母遂愈，後十二年母卒，若虛亦隨逝。

花朝書事

雨餘泥滑野塘渾，剝啄無人靜掩門。手健翻書祛俗累，眼昏
試墨就朝曦。聊求市味烹魚婢，已見園林長竹孫。老子隨時

刺折晴軒隊

卷八

鄭應晉林鴻道陳杲堂錢若虛

三

開策杖柳花麥浪綠搖村

邱承嗣

字吉士一字玉册鄞縣諸生著三樹堂集

續者舊傳文學為董戶部守諭署少隨侍戶部學與婦弟道權相繼焉邱氏風流儒雅之盛自文學始文學於邱氏為學行前舍人梅仙其族子也學士大夫過邱氏以文學為祭酒其集以火不傳存者四明書史耳

戴曙曰邱太守學敏曾以家有二古樹徧徵題咏今吉士堂名三樹太守其後人歟

春日徐掖青諸子社集南湖僧舍喜三姪歸自吳中和

韻

廿年懷抱借詩鳴襖被歸來臥赤城喜有故人聯石鼎更無俗累觸心兵僧厨野饌新芹美客屐春風古院晴遙企湖頭傳勝事空庭坐對月華明

邱承耀

字伯闇鄞縣諸生

七旬題壁

冉冉流光七十時青衫不改鬢成絲休誇詩律年來細但合
幽棲老亦宜紅日半窗春臥足生涯五畝課耕遲祇因習慣
容身懶斗室夷猶任所之

徐志泰

字遜三一字蕙江鄞縣諸生著蕙江草

穎者舊傳遜三居桓窳少爲李杲堂所知溪上詩派明爲陳後岡呂中甫而吾家兼山繼之遜三又繼之

早起和杜

宿鳥辭林出家僮亦放闌風驅烟避路雲讓日浮山市菜從
鮮賣庭花帶潤攀老農肩竹器直待暮方還

胡鹿亭約訪張蓉嶼先生余以事不果悵然有懷次鹿

亭韻

栗里雲煙自一村肯因客至暫開門詩文多自歸來富風格
非於老去尊樓外好山飛野雀盤中春雨出河豚終朝談笑

成佳集狼籍書窗筆墨痕

陳

綸

字言如一字鹿山鄞縣諸生

續者舊傳文學詩於宗正菴之門凡正菴諸弟子其
時推重董丈次歐費秉恒而文學年輩先之廖廖狂者
當其論詩得意處雖長者之前不肯少屈刻潔舒後村
故稱風老然向嗜王李董丈嘗爲之言其非欲稍化其
門戶之見後村持之頗固文學繼之痛指其失後村之
見始稍奪固介之見正菴復村遂盡棄其學從之龍津
唱和之集正菴令文學獨論定之雅通經術有志於儒
先之學統顧不得志於場屋翫辭以老予嘗謂文學不
當僅以詩人名然而四十年以來宗董師友淪喪殆盡
不特文學之經術莫有知者亦并不得分詩人之塵予
詢其後人困阮樵牧中湖上年少不能舉文學姓氏矣

別父

別父東門口一步一回首回首父不見西風吹兒面

或饋予以烏鬚藥却之

老非鬚作黑髮正堪傷但使身常健應知白不妨苦無行

地術辜負起衰方花下他時就壺觴是所望

桂一奇

字微甫慈谿人
著蓼蓼居士集

袁鈞曰桂一奇爲明
敘州知府芝曾孫

保國寺

禪關岑寂綠陰稠翠靄虛亭疊錦浮問路烟籠峯嶂夕到山
泉寫寺門秋人沾法雨花初散僧補殘雲衲未收聽徹空林
清梵迴潮音乍起海東頭

戴昆璵

字二芄一字萊庭
奉化人著蓉舫集

山陰道上得谿字

片帆輕度蠡城西曲岸平蕪望欲迷春雨乍添湖水闊晴嵐
遙接海雲齊村村魚塢圍青竹處處人家傍綠畦日晚山粧
如點黛扁舟疑在若耶谿

兩浙輶軒錄

卷八

陳維和一首鄭良樞

三

戴石臣

字天柱昆山人
著是亦齋集

過故里

十畝之間跡漸湮從誰話舊與論新故園雖入今非主鄉語
猶聞昔是鄰祇覺心從芳草折何堪履向碧雲親憑高無復
當年意杜宇聲聲倍感人

元日立春坐雨

康熙乙丑

開正適與立春同五十年來今始逢拭目擬看山湧日捲簾
偏值雨兼風欲延遠黛當窗綠遂索寒香帶酒紅高士至時
方下榻却從佳節滯征鴻

即使天晴亦索居何煩車馬到吾廬誰能免俗春猶賀我已
忘機鳳豈書四始祈禱寧有燕千端謀食尚無魚不如高臥
爲長策雨雨風風可奈予

沈從約

字成則
鎮海人

答郎枚簡

未使林泉老此身且拚風月甕頭春
多君掃逕憐求仲交道於今正在貧

徐張珠

字映川錢唐人
康熙乙卯舉人

秋日錢它石

璜沈方舟用濟

過艸堂小飲遂偕紫山弟

重遊南屏

孤雲飛不去二客自何來
衣染烟霞色人皆黃綺才
蔭櫓松樹老繞砌菊花開
試與論今古陶然醉一杯

山翠溟濛處南屏近可遊
池光銜落照天氣入高秋
寶樹何年伐空王劫火畱
豁公遺骨化幢影一燈幽

汪

霽

字朝采錢唐人康熙丙辰進士舉
博學鴻詞授編修官至戶部侍郎

錢百五先生詩集卷五汪霽

喜王露潛至自三峯

經時三徑爲誰開，乾鵲聲中屐齒來。
久客奚囊多舊句，貧家尊酒只新醅。
浙中家貧者絕無舊醅，正與杜句相反。
不妨小住爲佳爾，相顧狂歌亦壯哉。
晚節最諳泉石味，雲林深處好追陪。

曾向天南把酒卮，飛揚意氣更誰知。
千秋燕市悲歌侶，一卷松陵唱和詩。
海荔乍殘人散後，江楓初老雁來時。
釣龍臺上還山約，及此幽尋也未遲。

李

濤字東來，錢唐人。
著閒情詩草。

丁濤閒情詩草序畧曰：李子東來，尊人瑞翁先生與余稱中表兄弟，少同學，爲名諸生。甲申後，棲隱東皋，蒔花種藥，調鶴弄琴。凡醫卜風角藝術諸書，博聞強記，氣宇高曠，發爲詩歌，自得其性情之正。

麴院懷古

在裏六橋舊楊公堤畔。

荷花釀麴秣香荷風入座院宇涼香風透骨酒覆而玉山
頽倒醉爲鄉南朝盛事猶傳說離宮別院皆灰滅寒塘舊治
自年年花落花開待誰擷空餘陳蹟當園畦楊公堤畔六橋
西杜若花殘蘭蕙長日暮秋風螻蛄啼

乙亥除夕

彈指流光賦索居星霜取次上頭顱半生落魄人將老萬事
蹉跎歲又除柏葉樽前催臘盡彩花勝裏換春初壯懷未愜
情何已羞觀東風到草廬

徐旭升

字上扶錢唐人旭旦
弟著東皋草堂詩集

毛先舒東皋草堂集序畧曰徐子風神蕭灑氣度俊爽
其爲詩獨抒性靈不拘格套發其詩品獨見沈
山水是其詩骨此殆以真性情而爲其詩者耶
學是其詩骨此殆以真性情而爲其詩者耶
王修玉撰東皋草堂集序畧曰東皋徐君其爲人冲和
謙抑藹然之氣被其人其先世巨翁先生以忠節爲宋名

兩浙贈序錄

卷八

李濤徐旭升

美

臣後裔之賢前者雖不可述而近時以來如世臣先生
倡登樓之集振興西陵其後羣從宗人咸以文鳴當代
東舉特其一耳

懷友却寄

以我多塵累懷君煙水幽
酒香春滿甕山霽晚登樓
遠屋新篁秀當門碧樹稠
賞心非一事可憶舊詩儔

東湖清明讌集浣月亭同人分賦

浣月亭在台郡東湖

却喜尋芳逐後塵
追隨勝侶到湖濱
天收雨脚山如沐
柳帶風情色更新
蕩槳便成遊冶會
題詩欲贈秉蘭人
韶華歲歲皆應惜
况是清明已暮春

請九鼎

字駿男
綬唐人

寬川畢

泥滓滑道塗夜行無正路
策騎不能前往往溪中渡
而觸樹

杪雲衣灑花上露月黑飢虎號松密蒼鷹怒緇塵易染人恐
失平生素

張

竣

字效青
錢唐人

同陸麗京諸子集雲居山樓

高齋落葉幾經秋散髮閒吟次第游草樹常依寒雨徑江濤
偏撼夕陽樓青尊晚動幽人興白雪羣推大雅流遙憶文通
還有賦平原一望使人愁

錢

璜

字右玉號他石錢唐
監生苦雲起堂稿

朱彭曰他石少年博學兼精岐黃少失侍會作思母詩
十二章顧侍御豹文嘉其聲情悽惋爲之序生平與徐
紫山沈方舟兩詩人交契多往來酬唱之作後亦因貧
出游紫山有寄懷他石詩曰往有錢他石清談妙一時
不爲貧士歎能以古人師別我忽三載入關歌五
噫秋風近蕭索猿猴可相期讀此可知其梗槩矣
碧溪詩話他石嘗假友人三金貧不能償歲暮遣僕坐
索詞氣橫甚又有友人一僕頻來探問解錢一貫賂之

他石作詩云豪奴真作橫侵曉打門呼騾坐宜威命高
聲索小連絕交書未就哭一世淚將枯一諾千金贈此風
久已無翻美多情者良朋一僕夫常歌零雨曲學寫遠
山圖曳履頻來往探囊問有無昨宵持贈我燈下解青
蚨

過顯應觀遺址

玉宇金庭化劫灰西風涼露藕花開黃羅帕子沈香盒不見

天邊一騎來

觀係宋高宗建祀崔府君歲
逢六月六日丙廷遣使拈香

暮秋偕沈方舟過黃雪山房卽同映山紫山遊南屏

直道違時輩衰年戀故交高人不入戶好鳥定歸巢時映川
自來中

歸水白涵隄外霜紅上樹梢吾將事幽賞未許賦鐘敲

共指南屏路香臺試一登松杉非舊物龍象是重興隔岸三

潭月空廊幾處燈長橋歸去近不用問山僧

王修玉

字倩修號松壑仁和
貢生著蕭遠堂集

朱彭曰松壑幼負異才博綜羣籍大江南北咸識其名
康熙戊午貢京兆時徐太宰潮以詞林分校得修玉卷
嘆曰此名儒宿學也拔置前列例得官博士後嚴司農
沆欲以宏博薦修玉堅辭歸需次家居者二十年境益
貧日嘗一食暑月著故棉衣恬如也因自號恬翁
與毛先舒吳任臣輩訂詩文交世稱薦舉十六子

趙積生翁文昭雉升兄夢文弟同飲

黃公壚邊花不掃金樽玉壺耐醉倒燕乳渾忘白日長絮飛
已覺青春老人生那得百年身買醉爲歡莫厭頻請看白髮
龍鍾輩曾是紅顏少壯人

宿吳山青衣泉道院同沈霽霖外舅

古洞無人住高齋有客過微涼生雨夜殘月隱秋河風磴泉
聲亂雲門竹籟多淹留竟忘返枕簟蔭青蘿

吳山鍾翠亭望雪

翠嶂丹梯不可攀徘徊獨步石亭間斜陽半入中峯寺殘雪

猶明隔岸山鴻雁遠衝孤戍沒江流遙帶斷冰還蒼茫暮色
渾無盡極目重城欲上關

雪夜醉題

寒臘已盡春漸賒朔風凜冽啼城鴉乍疎乍密春夜雪半落
半開梅樹花金爐熾炭薰鵲腦玉瓶貯酒傾流霞春愁欲遣

最難遣綠窗小婦能琵琶

王

暉

初名裴字丹麓號木庵又號松溪仁和諸生有

霞舉集檀几散書文津今世說牆東岫堂詞

今世說王丹麓年踰四十益復困頓婦戲語曰同學少

年皆不識奈何夫子獨長貧丹麓家既落顧時喜刻

書客至贊衣命酒其詩曰平生好賓客資用若不周有

懷莫可告室人且見尤施愚山誦之輒失笑曰蓋有類

者予

藝苑名言丹麓先生有春風詩云聞說長安花滿城看

花但覺馬蹄輕多愁不為子吹去堪笑春風亦世情翻
亦有味

湖野詩鈔里有孝子李氏長中華次中楫萬厯二十五
年二月二十五日大火昆玉讀書湖上奔救父不得出
赴烈焰抱持而死特旌表
雙孝之門松溪有詩甚工

舟次望亭遇次霑叔

望亭又在目層嶺已熹微停橈傍古岸暝色上郊扉徒旅倏
雲集繫纜相因依中有故鄉音乍聽還疑非隔船暫借問行
與我父齊我父不可見見叔徒生悲哀懷難具說但問何時
歸

贈揚州顧瑟如

陽山李子天下士量才未可斗石擬翩然一顧繫予思悠悠
目斷錢江水此去便過六七月竭來又作西湖客相逢執手
樂非常慷慨論交成莫逆座有驚人貌更奇虬髯碧眼挺雄
姿主人拜手道名姓始知顧子非等夷顧子自言耽邱壑從

來不爽溪山約有時風雨閉柴門寫就丹青遣寂寞丹青妙
手貴逼真喜君下筆如有神棧閣疑行蜀道險桑麻恍逼桃
源春顧子嘗寫棧閣觀者一時咸歎絕李子更向王生說繪事
小技何足稱尙有新詩比冰雪新詩讀罷益徘徊天生顧子
何多才只今猶自困藜藿世上升沉安論哉

初到楊師維山莊

柴門斜向水湄開乘興相將破綠苔山犬乍驚新客至簷禽
如報故人來烟迷塔影晴疑雨風送漁歌去復回喜傍千秋
林處士隔離點點映疎梅

陳

熹

字允文號星垣海寧監生

陳氏家傳畧曰熹與兄允大弟允升並從姚江黃梨洲徵君講學年十三遊枯蒼適學使者按部至卽與試冠軍遂寄籍焉後入北雍名曰盛屢闕場屋寄情吟咏晚尤嗜昌黎集手爲輯註刊刻行世

重陽前六日燕山雅集分韻得十五剛

高楓搖落響千山
燕市悲歌醉未還
道合龍蛇秋並蟄
人如鷗鷺跡俱閒
難禁揮手添離思
却話深宵暫解顏
節近茱萸詩益健
一時風雨動江關

西別宋牧仲先生

我欲操南音
南風柔曼難爲情
我欲彈錦瑟
瑟聲哀怨何時平
搖落悲秋感師友
爲我脂車潞河口
廣平先生雅好奇
相逢傾蓋良非偶
探得驪珠照眼明
燭火微光復何有
尊酒細論樂未央
悲風又動瓊瑤柳
索我新詩應不惜
對君氣盡吟腸磔
別有離愁暗恨生
光陰真悔成虛擲
相望龍門咫尺間
相思縹緲難躋攀
他時東來紫氣滿
杖履追尋海上山

譚吉璉

字舟石人稱小譚大夫嘉興人康熙己未舉博學鴻詞官登州知府著嘉樹堂集

橋里詩繫甲申後隨父貞良入閩父沒亂山中扶柩侍
母及弟妹七人歸禾生產湯然餬口四方以爲養康熙
甲辰以上舍考第一授中書居凡九年出爲延安同知
三桂反運餉入川至寧羌兵變棧道絕走黑峪以脫旣
而諸郡寇變惟存榆林一城璵誓衆死守又營單騎入
賊中招撫之其黨漸平戊午舊博學鴻詞請闕已除登
州守之任一年以哭子卒好撰述有延綏志二十四卷
肅松錄二卷爾雅綱目一百二十卷嘉樹堂集二十卷
爲驚湖棹歌一卷惜無後散失

爲驚湖棹歌

花時午日白荒荒最愛鶯啼半邏塘一樣橋頭打雙槳郎舟

雲母妾沙棠

水市花船一樣窗龍洲學繡一條江憑誰移倚龍洲塔學繡

村邊也作雙

棟子花疎過雨聲款山看火樹頭鳴隣船兩槳買桑葉南抵

餘城北渚城

沈傳弓

字武功一字則山嘉興諸生

諸錦曰朗山年僅三十卒詩少流傳得于曹仲經手鈔六首因得存之蓋玉臺紅樓之遺

送錦公渡江

時余在靈隱

名山頂上白雲輕送爾天涯問友生莫以江淹方恨別應知張儉未歸情褐衣共對龍宮月杖錫孤飛於越城君至禹陵空涕泪秦碑漢時暮烟平

送李斯年閩遊

何事還家復遠遊鳴榔伐鼓發中流才人好帶芙蓉劍少婦愁登玳瑁樓閩海雲山通百越粵江組練壯三秋無諸臺上休高望回首鄉關萬里愁

王

翊字介人嘉興人著秋懷堂集

橋里詩繫秋懷老人家故業染日坐園闢問一手挾古今書以觀一手數錢與布販菜傭相應答似少而嗜酒

屏絕慶弔為詩文高自矜許好製詞曲作紀扇記忌者
誣以詆毀里紳訟之官家計日落然詩曰益有名既遭
世變多感憤嘆咤見之篇章張深之北方名賢實居南
湖每置酒名客伎樂雜陳翊輒散髮赤足叫呼號咷雖
嚴客不避遊山陰與陳章侯善王季重見其詩嗟賞焉
陳卧子作序謂有盛唐之風其舊作曰春槐堂集後作
曰秋槐堂集共千餘首王辰舟次潁州被盜皆沒於水
深自痛惜每終夜掩被記憶後入勇惘惘自失復撫拾
記間作詩二百餘首買舟而北其稿又為風嚙不可綴
稿益不樂四月泊京口無疾而卒友人朱彝尊曾有題
抄一紙其弟王庭梓之以傳其風尚沉
雜間有和厚綢繆六句不可一類求也

人有謂余老者感作

一身不過家屢空談詩說劍心何雄少年雖去壯還在出門
千里輕飛蓬飲酒多歡俠遊子尋花常宿倡樓中半生知樂
不知病兩耳忽患今春聾梳頭遂見髮初短照面恰怪顏無
紅往還後生最輕薄笑云似爾當稱翁綠華零落盡朝菌吟
嘆嗷嗷來秋蟲天地那能禁我老文章可惜令人窮一邱一

寧幾時住世上豈有真喬松

荅范遵甫

濁酒空懷田舍歌百年身世半蹉跎人歸野徑殘陽盡家在
寒塘落葉多好竹不嫌愁裏看名山竊喜夢中過餘生欲逐
漁樵去白髮於今奈老何

寒食談仲木至

故人越江海細雨連孤舟叩門告飢乏刺刺語不休自云遠
遊歸中途歷窮愁豈無相識人掃雪如仇讐聞之發長歎誠
爲吾道羞青眼古所難况於末世求伊余雖苦貧一飯君必
畱中園翦寒韭糲牀漚新篘酒酣兩耳熱率意成歌謳人生
不得意不醉非良謀

猛虎行

北山猛虎何斑斑夜出索人晝不還路無人行食不足只向
山中守獐鹿可憐日久獐鹿窮猛虎亦死深山空

答周青士

南國存三戶西京賦七哀嘗聞杜陵叟未見洛陽才硯古遺
銅雀書亡問玉杯不知題鳳者今日爲誰來

漂母祠

一飯當年報所知王孫今日更何之平生自歎無知己千里
來尋漂母祠